



En l'Irlanda dal nord datti puspè in avanzament da pasch.

KEYSTONE

L'IRA vul dar giu las armas – datti prest pasch en Irlanda?

(ap) Suenters trais decennis da terror e violenza datti puspè speranza da pasch en l'Irlanda dal nord. L'organisaziun clandestina catolica IRA ha preschentà la fin d'emna in plan cumplessiv per la discharmada. Il manader da la partida Sinn Fein dastrusch a l'organisaziun clandestina, Gerry Adams, ha discurrì d'ina decisiun zunt emoziunala e dolorosa per vita e mort. Tenor il

president dals Stadis Unis, *Bill Clinton*, è quai stà in pass curaschus e veritabel e tenor *David Trimble*, il president da la partida protestanta Ulster Unionists para l'offerta da pussibilitar in nov cumenzament. Ils schefs da la regenza da l'Ingalterra e da l'Irlanda, *Tony Blair* e *Bertie Ahern*, considereschon d'activar la regenza da provinza da l'Irlanda dal nord pels 22 matg 2000.